



ATASSUT INATSIARTUNI

ATASSUT

UKA 2013/9-1

Siverth K. Heilmann

22.10.13

Inatsisartut Ombudsmandiata 2012-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut.

(Inatsisinut ataatsimiititaliaq)

Inatsisartut Ombudsmandiata 2012-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut, Inatsisartut Inatsisinut ataatsimiititaliaata matumani saqqummiussaa ATASSUT-mit akuersaartumik naatsunnguamillu oqaaseqaateqarfigissavarput.

ATASSUT-mit nuannaarutigaarput Inatsisartut Ombudsmandiata pisarnini malillugu saaffiginnissutit aammalu nammineq aalajangernermigut misissukkani sukumiisorujussuarmik suliarisarmagit.

2012-imilu ukiumoortumik nalunaarutaata uppersarpaa Ombudsmandi innuttaasut ataasiakkaat soqutigisaqaqatigiikkaallu pisortanit sullinneqarnertik ippinnartoqarsorigaangamikku Ombudsmandimut suliasannngortitsisarnerat innuttaasut inatsisitigut illersugaanissaannik aallaavilimmik sukumiisumik sullissisarnera naqissuserneqarpoq.

Periarfissaq manna iluatsillugu piffissami kingullermi Namminersorlutik Oqartussani atorfillit pillugit suliat ingerlanneqarnerinik misissuissalluni Ombudsmandip nammineerluni aalajangernera ATASSUT-mit assut iluarisimaaratsigu matumuuna naqissuseqqissavarput.

Ussernartorsiornaraluartoq Ombudsmandip suliarisimasai ataasiakkaat oqaaseqarfigissallugit innuttaaqatitsinnut nalunaarusiaq tamanit qimerloorneqarsinnaammat ATASSUT-mit



ATASSUT INATSIARTUNI

kaammattuutigiinnassavarput qimerlooqqullugu, qularnanngilarmi innuttaasutut ataasiakkaatut soqutigisaqaqatigiikkaatullu pisinnaatitaaffitsinnik annertuumik isumassarsiorfigineqarsinnaasoq.

Taamatut oqaaseqaateqarluta ATASSUT-mit inassutigissavarput Inatsisartut Ombudsmandiata 2012-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuutaat akuersaarparput.